

DEO OPTIMO MAXIMO UNI ET TRINO, VIRGINI DEIPARÆ,  
ET SANCTO LUCE ORTHODOXORUM MEDICORUM PATRONO.

1645

Q U Æ S T I O M E D I C A,  
QUODLIBETARIIS DISPUTATIONIBUS MANE DISCUTIENDA  
IN SCHOLIS MEDICORUM, DIE MARTIS XVI FEBRUARII MDCXXII:

M. GABRIELE-ANTONIO JACQUES, DOCTORE MEDICO, PRÆSIDE.

*An in morbis curandis Medicamentorum incerta quantitas?*

**M**EDICAMENTORUM natura nostram alterat, redacta prius in actum à calore nobis infuso: omnis verò posita in quatuor elementorum ad generationem concurrentium mixtione, quæ cum temperamento prorsus eadem est: ea mixtio propria cuique *idiosyncrasia* nominatur, ac licet nullâ certâ demonstratione definiri possit, tamen artificiosâ conjecturâ in ordines quatuor ad medendi usum valdè necessarios distinguitur, respectu corporis humani, quod in rerum natura medium tenet ad pondus & exquisitè temperatum, velut mensura rerum omnium.

**P**RO vario medicamentorum ordine variæ medicamentorum instituendæ doses, quæ æstimantur numero, pondere, mensurâ, mole. Ad numerum referri potest frequentia medicamenti gradum & dosim compensans. Quæ longiùs abscedunt à nostrâ naturâ, parciora, & rariora esse debent, ut metallica, chymica, & venenata omnia, specificis & propriis alexiteriis destituta. Quæ ad nostram temperiem, consistentiam, & substantiam propriis accedunt, ut plurima plantarum & animantium genera, liberaliùs, & frequentius usurpanda, modò sint *conveniens*: in quibus vilissimis & vulgò notissimis Medicinæ dignitas magis elucet.

**L**EGITIMA gradûs limitatio, & dosis vera æstimatio indicatur ab affectûs, qui contra naturam corpori insidet, magnitudine, & affecti cuiusque corporis naturâ: extremis morbis extremè exquisita remedia sunt optima: sed quibus simul, & semel, aut sæpius, plura an pauciora particularim adhibenda, vel exhibenda sint considerandum: Condonandum etiam aliquid consuetudini, quæ velut altera natura est. Ab ætate, tempore, & regione, nulla medicamentorum qualitas, nec ulla quantitas indicatur.

**S**INGULARIS natura corporum affectorum humano ingenio comprehendi nequit, nec circumscribi potest accuratè morbi magnitudo, quæ à malignitate nihil quidquam differt, nec aliud est, quàm ejus, qui à peculiari naturâ fit recessus, quantitas. Hujus fidelissimus & æquissimus æstimator habebitur, qui conjector erit optimus ex internis, externisque causis, ac symptomaticis, quæ mox apparent, aut superveniunt, & cuiusque loci laborantis conditione.

**E**X his tam incertis nulla certa demonstratio quantitatis medicamentorum esse potest, sed tantùm conjectura opem experientiæ flagitans: quæ ut secura sit, nec ægro molesta, rationis ductu à levioribus utilibusque medicamentis ad vehementiora, sed innoxia progreditur, quæ morbum quidem expellant, naturam partis vel totius corporis tueantur, & roborent. Unde lectissimorum medicamentorum preparatio necessaria, & compositio solemnis in nostris opiat, electuariis, pilulis, cæterisque confectionibus, quarum non certior quidem dosis, sed securior, quàm simplicium, vel extractorum.

*Ergo, in morbis curandis, Medicamentorum incerta quantitas.*

Domini Doctores disputaturi.

M. Joannes Basse, Medicus Domus Regiæ.

M. Joan. Bapt. Thomas Martinenz, Scholarum Professor.

M. Antonius de Jussieu, Regiæ Scientiarum Academia, & Botanici in Horto Regio Parisiensi Professor.

M. Franciscus Passer.

M. Joannes - Baptista Silva, Srenissimè Ducis Borboni Medicum ordinarium.

M. Thomas-Bernardus Bertrand.

M. Jac. Benigne Winslow, Regiæ Scientiarum Academia Socius & Gallicæ Chirurgiæ Professor.

M. Ludovicus Gaillet.

M. Joan. Baptista Fernelius, in Regiâ Artium Academiâ Socius botanicus.

Proponebat Parisiis ANTONIUS CASA-MAJOR, Beneatensis, Baccalaureus Medicus, A. R. S. H. 1722. à sextâ ad meridiem.